

BORXHI I JASHTËM BRUTO

Përmbajtja

Borxhi i jashtëm bruto	1
Borxhi i jashtëm bruto sipas sektorëve	3
Borxhi i jashtëm bruto sipas instrumenteve	4
Tërheqjet dhe shërbimet e borxhit të jashtëm bruto	5
Shënime metodologjike	6

Kryesore:

- Borxhi i Jashtëm Bruto (BJB) vlerësohet në 10,111 milionë euro;
- Në raport me PBB, Borxhi i Jashtëm Bruto shënon 43.8% në fund të T2 2024 nga 47.2% në fund të vitit 2023.
- Në masën 88%, BJB prezantohet në maturitet afatgjatë;
- Detyrimet e borxhit publik ranë me 158 milionë euro gjatë tremujorit;
- Qeveria e Përgjithshme ka ulur ekspozimin e saj me jashtë;
- Qeveria e Përgjithshme mban peshën kryesore në shlyerjen e pagesave të principalit dhe të pagesave të interesit.

Në fund të muajit Qershor 2024, Borxhi i Jashtëm Bruto (BJB) i Shqipërisë shënon 10,111 milionë euro. Gjatë tremujorit të dytë, stoku i BJB-së u ngushtua me rreth 181 milionë euro (ose 1.8%). Transaksioni neto rezultoi negativ në drejtim të tkurjes së tepricës së borxhit, me rreth 203.4 milionë euro. Ndërkohë, efekti i kursit të këmbimit të euros ndaj monedhave kryesore dhe i ndryshimeve të tjera nga ri-klasifikimi vlerësohen pozitive, respektivisht në rreth 21.9 milionë euro dhe 0.5 milionë euro.


Ecuria e tepricës së BJB-së gjatë tremujorit, vëren ngushtim të borxhit publik¹ në terma afatgjatë, diktuar nga shlyerjet e detyrimeve të Qeverisë së Përgjithshme në formën e huamarrjes, si dhe tkurja e ekspozimit në "letra me vlerë të borxhit". Rezidentët (kryesisht bankat) kanë vijuar të zgjerojnë portofolin e tyre të investimit në Eurobond-et e emetuara në tregjet ndërkombëtare nga Qeveria e Përgjithshme, duke ndikuar kështu në uljen e tepricës së borxhit të jashtëm. Nga ana tjetër, detyrimet afatgjata të Sektorëve të tjerë u rritën në reflektim të zgjerimit të detyrimeve afatgjata mes kompanive të lidhura në një marrëdhënie investimi direkt, me rreth 18 milionë euro.

Në masën 88%, BJB prezantohet në maturitetin afatgjatë, teprica e të cilit u ngushtua me 123 milionë euro.

Në maturitetin afatshkurtër, BJB u ngushtua me 58 milionë euro në nivelin 1,253 milionë euro, si pasojë e uljes së detyrimeve në "monedha dhe depozita" dhe "hua" të Korporatave Depozituese.

Për Autoritetin Monetar - alokimet e SDR² nga FMN, nuk kanë regjistruar ndryshime të konsiderueshme gjatë periudhës.

Në fund të muajit qershor 2024, Borxhi i Jashtëm Bruto në raport me PBB shënon 43.8% nga 47.2% në fund të vitit 2023.



Grafik 1: Borxhi i Jashtëm Bruto

Milionë EUR	30 qershor 2023	30 shtator 2023	31 dhjetor 2023	31 mars 2024	30 qershor 2024
Borxhi i jashtëm afatgjatë	9,010	8,979	8,986	8,982	8,858
Borxhi publik	5,328	5,208	5,148	5,108	4,951
Borxhi privat	3,460	3,547	3,618	3,649	3,682
Borxhi i bankës qendrore, nga të cilat	223	224	220	224	226
Alokim et SDR nga FMN	223	224	220	224	226
Borxhi i jashtëm afatshkurtër	1,194	1,143	1,090	1,310	1,253
Borxhi i jashtëm bruto	10,205	10,121	10,075	10,292	10,111

Tabela 1: Borxhi i Jashtëm Bruto

1. Borxhi i jashtëm publik përfshin huamarrjen me jashtë drejtpërdrejt nga Ministria e Financave dhe Ekonomisë (MFE) dhe qeveritë lokale, huamarrjen me jashtë të garantuar nga MFE dhe qeveritë lokale, në përputhje me legjislacionin mbi borxhin publik, duke përfshirë huatë e marra nga MFE në përputhje me marreveshjen e FMN-së, si dhe letrat me vlerë të qeverisë të blera nga jorezidentët - të llogaritur me vlerën nominale.

2. Alokimi i SDR është një mënyrë për të plotësuar rezervat valutorë të vendeve anëtare të Fondit, duke i lejuar anëtarët të zvogëlojnë varësinë e tyre në borxhin e brendshëm ose të jashtëm për ndërtimin e rezervave. Shqipëria ka përfutuar nga alokimi i SDR nga viti 2009.

Monedha evropiane (EUR) është monedha kryesore në emërimin e detyrimeve të Shqipërisë ndaj botës, në rreth 70% të totalit, e ndjekur nga USD me 10% dhe SDR me 8%.

	Borxhi jashtëm	
	Milionë EUR	%
EUR	7,074	70%
USD	964	10%
SDR	779	8%
CAD	131	1%
JPY	40	0%
Të tjera	1,123	11%
Totali	10,111	100%

Tabela 2: Kompozimi sipas monedhave i borxhit të jashtëm bruto, në 30 qershor 2024

Kreditorët publikë mbajnë pjesën më të madhe (40%) të tepricës së borxhit të jashtëm afatgjatë. Zotërimet e bankave të huaja në Eurobondin qeveritar shënojnë rreth 15% të BJB-së afatgjatë. Detyrimet afatgjata mes kompanive të lidhura në një marrëdhënie investimi direkt (përfshirë nën zërin “Të tjera” në tabelën 3), ruajnë një nivel prej rreth 16% të totalit të borxhit të jashtëm dhe në fund të qershorit 2024 shënon 1,418 milionë euro.

Monedha evropiane (EUR) është monedha kryesore në emërimin e detyrimeve të Shqipërisë ndaj botës

	31 dhjetor 2023		31 mars 2024		31 qershor 2024	
	Milionë EUR	%	Milionë EUR	%	Milionë EUR	%
Hua nga institucionet financiare ndërkombëtare	3,513	39%	3,563	40%	3,501	40%
Investime portofoli të bankave private dhe të qeverisë	1,444	16%	1,390	15%	1,318	15%
Hua nga banka private dhe institucione të tjera financiare	1,355	15%	1,317	15%	1,306	15%
Të tjera	2,673	30%	2,711	30%	2,733	31%
Borxhi i jashtëm afatgjatë	8,986	100%	8,982	100%	8,858	100%

Tabela 3: Borxhi i jashtëm afatgjatë sipas kreditorëve

Pjesa e borxhit të jashtëm me maturitet më të gjatë se 5 vjet kalon dukshëm borxhin me maturitet nga 1 dhe 5 vjet (Tabela 4). Në maturitetin 1-5 vjet dominon borxhi privat, ndërsa në atë mbi 5 vjet dominon borxhi publik.

	31 dhjetor 2023		31 mars 2024		30 qershor 2024	
	Milionë EUR	%	Milionë EUR	%	Milionë EUR	%
1-5 vjet	2,002	22%	2,027	23%	2,041	23%
Borxhi publik	-	0%	-	0%	-	0%
Borxhi privat	2,002	22%	2,027	23%	2,041	23%
me shume se 5 vjet	6,984	78%	6,954	77%	6,818	77%
Borxhi publik	5,368	60%	5,333	59%	5,177	58%
Borxhi privat	1,616	18%	1,622	18%	1,641	19%
Borxhi i jashtëm afatgjatë	8,986	100%	8,982	100%	8,858	100%

Tabela 4: Borxhi i jashtëm afatgjatë sipas maturitetit



BORXHI I JASHTËM BRUTO SIPAS SEKTORËVE INSTITUCIONALË

Qeveria e Përgjithshme mban peshën kryesore në strukturën sektoriale të Borxhit të Jashtëm Bruto të Shqipërisë, duke zotëruar rreth 47% të totalit. Pjesa tjetër është e shpërndarë midis Sektorëve të tjerë (32%), Sistemit Bankar (19%) dhe Autoritetit monetar (2%).

Në fund të muajit qershor 2024, detyrimet e Qeverisë së Përgjithshme vlerësohen në 4,737 milionë euro dhe prezantohen vetëm në instrumente afatgjatë, të tilla si “hua”, “obligacione dhe dëftesa”.

Referuar fundit të T1 2024, teprica e borxhit të jashtëm të Qeverisë së Përgjithshme vlerësohet e ngushtuar me rreth 140 milionë euro. Gjatë tremujorit, ekspozimi në “letra me vlerë të borxhit” ra me -72 milionë euro, ndërkohë edhe detyrimet e borxhit në formën e “huave” afatgjata u ngushtuan me rreth -68 milionë euro,

Huatë e Qeverisë së Përgjithshme përfaqësohen nga huatë e tërhequra pas viteve '90 dhe ato të riskeduluara, të cilat vazhdojnë të jenë të negociueshme midis palëve. Në fund të periudhës, huatë e riskeduluara përfaqësonin 0.1% të stokut të huave afatgjata të këtij sektori.

Teprica e detyrimit të Autoritetit Monetar ose Bankës Qendrore, shënon 226 milionë euro. Detyrimet e Autoritetit Monetar përbëhen vetëm nga alokimet në SDR të FMN-së, të cilat u zgjeruan me 2 milionë euro gjatë tremujorit, kryesisht për efekt të kursit të këmbimit.

Në fund të qershor 2024, borxhi i jashtëm bruto i Korporatave Depozituese shënon 1,949 milionë euro, në ulje me rreth 64 milionë euro referuar nivelit në fund të muajit mars 2024, për efekt kryesor të tkurjes së detyrimeve afatshkurtër. Në masën më të madhe, teprica e detyrimeve të këtij sektori prezantohet në maturitetin afatgjatë në formën e “monedha e depozita” (në rreth 73% të totalit).

Gjatë tremujorit të dytë 2024, borxhi i jashtëm i Sektorëve të Tjerë u zgjerua me 21 milionë euro në nivelin 3,199 milionë euro. Lëvizjet kryesore reflektojnë efektin e agreguar të zgjerimit të detyrimeve në formën e “kredi tregtare dhe paradhënie” (18 milionë euro), zgjerimit të huave midis kompanive të lidhura në një marrëdhënie investimi direkt “investime direkte - hua ndërkompani” (18 milionë euro) dhe ngushtim të “huave” (-16 milionë euro),

*Qeveria e Përgjithshme
ka tkurrur
ekspozimin me jashtë*

	31 dhjetor 2023		31 mars 2024		30 qershor 2024	
	Milionë EUR	%	Milionë EUR	%	Milionë EUR	%
Qeveria e përgjithshme	4,942	55%	4,876	54%	4,737	53%
Autoiteti monetar	220	2%	224	2%	226	3%
Korporata depozituese pënjastuar bankën qendrore	1,501	17%	1,533	17%	1,542	17%
Sektorë të tjerë, nga të cilat	2,323	26%	2,348	26%	2,354	27%
Korporata joфинандаре	733	8%	752	8%	728	8%
Korporata joфинандаре në marrëdhënie investimi direkt	1,394	16%	1,399	16%	1,417	16%
Borxhi i jashtëm afatgjatë	8,986	100%	8,982	100%	8,858	100%

Tabela 5: Borxhi i jashtëm afatgjatë sipas sektorëve institucionalë

	31 dhjetor 2023		31 mars 2024		30 qershor 2024	
	Milionë EUR	%	Milionë EUR	%	Milionë EUR	%
Qeveria e përgjithshme						
Autoiteti monetar						
Korporata depozituese pënjastuar bankën qendrore	342	31%	481	37%	407	33%
Sektorë të tjerë, nga të cilat	748	69%	830	63%	845	67%
Korporata joфинандаре	526	48%	601	46%	619	49%
Korporata joфинандаре në marrëdhënie investimi direkt	216	20%	221	17%	221	18%
Borxhi i jashtëm afatshkurtër	1,090	100%	1,310	100%	1,253	100%

Tabela 6: Borxhi i jashtëm afatshkurtër sipas sektorëve institucionalë



BORXHI I JASHTËM BRUTO SIPAS INSTRUMENTAVE

Kompozimi i borxhit të jashtëm afatgjatë sipas instrumenteve (Tabela 7), tregon dominim të konsiderueshëm të tepricës në “hua”. Si mjet financimi afatgjatë, huatë vijojnë të kryesojnë detyrimet afatgjata - në masën 48% të totalit.

Në maturitetin afatshkurtër, instrumentet financiarë në formën e “kredi tregtare dhe paradhënie”, si dhe “monedha dhe depozita” zënë përkatësisht 49% dhe 28% të tepricës së borxhit afatshkurtër.

	31 dhjetor 2023		31 mars 2024		30 qershor 2024	
	Milionë EUR	%	Milionë EUR	%	Milionë EUR	%
Investim e direkte	1,394	16%	1,399	16%	1,417	16%
Hua	4,346	48%	4,349	48%	4,259	48%
Kredi tregtare dhe paradhënie						
Monedha dhe depozita	1,360	15%	1,397	16%	1,415	16%
Letrat me vlerë të borxhit	1,666	19%	1,613	18%	1,542	17%
Alokimi i SDR	220	2%	224	2%	226	3%
Llogari të tjera të pagueshme	0	0%	0	0%	0	0%
Borxhi i jashtëm afatgjatë	8,986	100%	8,982	100%	8,858	100%

Tabela 7: Borxhi i jashtëm afatgjatë sipas instrumenteve

	31 dhjetor 2023		31 mars 2024		30 qershor 2024	
	Milionë EUR	%	Milionë EUR	%	Milionë EUR	%
Investim e direkte	216	20%	221	17%	221	18%
Hua	7	1%	79	6%	44	3%
Kredi tregtare dhe paradhënie	526	48%	601	46%	619	49%
Monedha dhe depozita	325	30%	392	30%	351	28%
Letrat me vlerë të borxhit						
Alokimi i SDR						
Llogari të tjera të pagueshme	17	2%	17	1%	18	1%
Borxhi i jashtëm afatshkurtër	1,090	100%	1,310	100%	1,253	100%

Tabela 8: Borxhi i jashtëm afatshkurtër sipas instrumenteve

Ecuria e BJB-së afat gjatë sipas instrumenteve shfaq ngushtim të tepricës në “hua” dhe tkurrje të ekspozimit në “letra me vlerë të borxhit”



TERHEQJET DHE SHËRBIMI I BORXHIT TË JASHTËM BRUTO

Gjatë tremujorit të dytë 2024, totali i të hyrave (tërheqjeve) ose fluksi i borxhit të ri, të gjeneruar nga aktiviteti huamarrës, shënon 68 milionë euro (Tabela 9), nga të cilat 24 milionë euro i takojnë sektorit publik.


Shërbimi i borxhit të jashtëm (pagesat e principalit dhe të interesit) për periudhën, shënon 195 milionë euro. Në masën 82%, shërbimi i borxhit ka qenë për shlyerje të kryegjësë (principalit) dhe në 18% për shlyerjen e interesave.

Gjatë periudhës shlyerjet në rreth 127 milionë euro janë pagesa të Qeverisë së Përgjithshme, 17 milionë euro të Korporatave Depozituese dhe 51 milionë euro të Sektorëve të Tjerë.

Qeveria e Përgjithshme mban peshën kryesore në shlyerjet e principalit me rreth 100 milionë euro ose 63% të vlerës së përgjithshme të principalit si dhe në shlyerjen e pagesave të interesit për periudhën, me rreth 27 milionë euro ose 77% të vlerës së përgjithshme të interesave të paguara nga ekonomia.

	Milionë Euro			
	T3 2023	T4 2023	T1 2024	T2 2024
1. Sektori publik				
Tërheqje	15	236	82	24
Pagesa principalit	93	116	97	118
Pagesa interesi	30	26	31	30
2. Sektori privat				
Tërheqje	31	130	27	43
Pagesa principalit	90	57	30	42
Pagesa interesi	4	6	7	4
Ekonomia				
Tërheqje	46	367	109	68
Pagesa principalit	183	172	127	160
Pagesa interesi	34	32	38	35

Tabela 9: Tërheqjet dhe shërbimi i borxhit nga sektori publik dhe sektori privat



Grafik 2: Shërbimi i borxhit të jashtëm bruto ndaj eksportit të mallrave dhe shërbimeve

Qeveria e Përgjithshme mban peshën kryesore në shlyerjen e pagesave të principalit dhe të pagesave të interesit



SHËNIME SHPJEGUESE

<p>Hyrje</p>	<p>Të dhënat e paraqitura i përkasin stokut të fundit të periudhës të detyrimeve të huaja financiare të ekonomisë shqiptare. Të dhënat janë kompiluar në bazë bruto: d.m.th ato nuk iu përkasin zotërimeve të rezidentëve të Shqipërisë në mjete të huaja, gjë që është thelbësore. Ashtu si statistikat e Bilancit të Pagesave dhe Pozicionit të Investimeve Ndërkombëtare dhe statistikat e Borxhit të Jashtëm bëjnë dallimin ndërmjet investimeve direkte, investimeve të portofolit dhe investimeve të tjera dhe përsërisin në një detajim më të gjërë anën e detyrimeve të paraqitjes vjetore të PIN-t. Si e tillë, tabela e Borxhit të Jashtëm identifikon atë element të bilancit të agreguar të Shqipërisë që tregon detyrimet financiare bruto (detyrimet) të rezidentëve të Shqipërisë ndaj jo-rezidentëve me përjashtim të titujve të kapitalit dhe derivativëve. Shifrat prezantohen në mënyrë që të kenë qëndrueshmëri me formatet e prezantimit ndërkombëtar. Informacioni është bërë i disponueshëm për Fondin Monetar Ndërkombëtar dhe Bankën Botërore (https://data.worldbank.org/country/albania?view=chart).</p>
<p>Standarte Statistike Ndërkombëtare</p>	<p>Statistikat e Borxhit të Jashtëm janë kompiluar në përputhje me standardet ndërkombëtare, të përshkruara në “Manuali i Statistikave të Bilancit të Pagesave dhe Pozicionit të Investimeve Ndërkombëtare, Edicioni i Gjashtë” (FMN) dhe me udhëzuesin për kompilues e përdorues “Statistikat e Borxhit të Jashtëm” (FMN). Ndjekja e këtyre standardeve siguron pajtueshmëri të të dhënave nga njëra anë dhe nga ana tjetër, konsistencë midis statistikave të borxhit e atyre të bilancit të pagesave dhe pozicionit të investimeve ndërkombëtare. Të dhënat mbi borxhin e jashtëm bruto janë një burim i rëndësishëm informacioni për zëra të caktuar të këtyre statistikave (shiko më poshtë përkufizimin e <i>borxhit të jashtëm</i>).</p>
<p>Përkufizimi i Borxhit të Jashtëm</p>	<p>Guida e Borxhit të Jashtëm të FMN-së e përkufizon borxhin e jashtëm si një pikë në kohë në pasqyrën financiare të vlerës dhe përbërjes së stokut të detyrimeve financiare bruto të një ekonomie ndaj pjesës tjetër të botës. Detyrimet të cilave ju referohemi mbulojnë kreditë e marra nga jo-rezidentët, llogaritë dhe depozitat e jo-rezidentëve, kreditë tregtare që duhet tu paguajmë jo-rezidentëve si dhe detyrime të tjera ndaj tyre. Në thelb, borxhi i jashtëm iu referohet detyrimeve financiare ndaj jo-rezidentëve dhe jo atyre që rezultojnë nga transaksionet në kapital ose nga kontratat e derivativëve financiarë.</p>
<p>Rezidenca</p>	<p>Termi <i>rezident</i> iu dedikohet (a) individëve, përfshirë dhe atyre me kombësi të huaj, që jetojnë në Shqipëri për të paktën një vit ashtu si dhe stafit të ambasadës shqiptare dhe stafit ushtarak të vendosur jashtë, (b) trupave qeveritare shqiptare të vendosura jashtë (ambasadave, konsullatave, etj), dhe (c) korporatave që kanë në Shqipëri qendrën e interesit ekonomik, përfshirë dhe degë të kompanive të huaja të regjistruara. Gjthashtu përfshihen edhe sipërmarrjet me pronësi të huaj të vendosura në Shqipëri dhe të angazhuara në aktivitete të shërbimeve financiare të tregtuara në arenën ndërkombëtare.</p> <p><i>Jorezidentë</i> të një ekonomie përkufizohen njësitë institucionale që nuk janë rezidentë të asaj ekonomie.</p>
<p>Tipet e Instrumentave Financiarë të Rëndësishëm për Borxhin e Jashtëm</p>	<p><i>Kapitali</i>: ndërkohë që, detyrimet e lindura nga pjesëmarrja me fuqi votuese në kapital (përfshirë këtu detyrimet që lindin nga emetimi i pjesëmarrjeve në institucione kolektive investimi) përjashtohen nga statistikat e borxhit të jashtëm, detyrimet që lindin si pasojë e emetimit të aksioneve preferenciale jo-pjesëmarrëse përfshihen dhe trajtohen si tituj borxhi nën zërin (afatgjatë) <i>obligacione dhe tituj</i>.</p> <p><i>Obligacionet dhe titujt</i> e emetuar nga kompanitë ose qeveria janë tituj borxhi të tregtueshëm që kanë një maturitet fillestar prej më shumë se një vit, i cili, zakonisht, i jep mbajtësit (i) të drejtën e pakushtëzuar të një e ardhur monetare fikse ose të një e ardhur variable të përcaktuar kontraktualisht dhe (ii) të drejtën e pakushtëzuar të një shumë fikse në pagesat e principalit në një datë ose data specifike.</p> <p><i>Instrumentet e tregut të parasë</i> janë tituj borxhi të emetuar me një maturitet fillestar prej një viti ose më pak. Ata i japin mbajtësit të drejtën e pakushtëzuar për të marrë një shumë parash të deklaruar dhe fikse në një datë specifike. Këta instrumenta janë, përgjithësisht të tregtueshëm me skonto në tregje të organizuara. Skontoja është e varur nga norma e interesit të instrumentit të lidhur me normën e interesit të tregut dhe kohën e mbetur deri në maturim. Shembuj të instrumenteve të tillë janë: bonot e thesarit, letrat tregtare dhe financiare dhe pranimet bankare.</p>

	<p><i>Kreditë tregtare</i> (të pagueshme) janë detyrime që lindin nga zgjerimi direkt i kredisë i lidhur me transaksione në mallra dhe shërbime dhe pagesa në avancë për punën në progres (ose që duhet ndërmarrë).</p> <p><i>Huatë/monedhat dhe depozitat</i> përfshijnë huatë, depozitat dhe monedhat (si p.sh, kart-monedhat dhe monedhat që janë në qarkullim dhe të përdorura gjerësisht për të kryer pagesa). Të përfshira janë huatë për të financuar tregtinë, hua të tjera dhe paradhënie (përfshirë dhe kredinë për shtëpi) ashtu si dhe lizingu financiar.</p> <p>Stoku i detyrimeve i gjithë instrumenteve të tjerë financiarë (ndryshe nga kapitale jo-pjesëmarrëse - pa fuqi votuese, tituj të borxhit, kredi tregtare, hua, monedha dhe depozitave), të tillë si kapitali i nënshkruar për pjesëmarrje nga Shtete Anëtare në organizatat ndërkombëtare jo-monetare, ndryshimet në rezervat teknike të sigurimit, kompensimet për sa iu përket transaksioneve të titujve të papaguar, përfshihen në <i>detyrime të tjera</i> brenda borxhit të jashtëm.</p>
<p>Mbledhja e të dhënave</p>	<p>Burim informacioni për statistikën e Borxhit të Jashtëm janë: Banka e Shqipërisë, Ministria e Financave, Organizata e Institucione të tjera Ndërkombëtare si dhe sistemi bankat pjesë e Sistemit të Unifikuar të Raportimit në Bankën e Shqipërisë.</p>
<p>Vlerësimi</p>	<p>Stoku i detyrimeve është regjistruar në vlerë nominale dhe jo në vlerë tregu dhe Borxhi i Jashtëm Bruto i Shqipërisë është kompiluar në lekë dhe raportuar në euro. Për stokun e detyrimeve në monedha të tjera, konvertimi bëhet me kursin zyrtar të këmbimit të datës së fundit të periudhës së raportimit. Efekti i ndryshimit të kurseve të këmbimit është përfshirë në vlerësimin e stokut të detyrimeve. Instrumentet përkatës përfshijnë dhe interesat e përlogaritur në vlerën e stokut të tyre.</p>
<p>Paraqitja e tabelës</p>	<p>Paraqitja e të dhënave të borxhit të jashtëm së pari dallon sektorët institucionalë:</p> <p><i>Qeveria e Përgjithshme</i> – mbulon qeverinë qendrore</p> <p><i>Autoriteti Monetar</i> – është Banka Qendrore e Shqipërisë</p> <p><i>Korporatat depozituese me përjashtim të Bankës Qendrore</i> – janë bankat e licensuara</p> <p><i>Sektorët e Tjerë</i> – janë të gjitha korporatat e tjera dhe si dhe ekonomitë shtëpiake. Të përfshira këtu janë: kompanitë e sigurimeve dhe fondet e pensionit, fondet e investimit, shoqëritë e kursim kreditit, tregtarët e titujve, ashtu si dhe kompanitë e shërbimeve jo-financiare dhe të prodhimit dhe sipërmarrje të tjera industriale.</p> <p>Kategoria e <i>investimeve direkte</i> dallohet, gjithashtu, në këtë nivel. <i>Investimi direkt</i> është një kategori e investimit ndërkombëtar që, bazuar në një pronësi kapitali në të paktën 10%, reflekton një interes të qëndrueshëm të një rezidenti në një ekonomi (investitori direkt) në një sipërmarrje rezidente në një ekonomi tjetër (kompania e investimit direkt). <i>Detyrimet e borxhit ndaj sipërmarrjeve të lidhura dhe detyrimet e borxhit ndaj investitoreve direkte</i> mbulojnë të gjitha detyrimet e borxhit (siç janë përcaktuar më sipër) të kompanive rezidente ndaj mëmave të tyre të huaja, degëve ose sipërmarrjeve të tjera të lidhura jashtë.</p> <p>Brenda sektorëve klasifikimet jepen sipas:</p> <p><i>maturitetit - afat-shkurtër</i>: në rastet e një maturimi origjinal një vit ose më pak;</p> <p><i>afat-gjatë</i>: për një maturim origjinal më shumë se një vit; dhe sipas,</p> <p><i>instrumentit financiar</i>: monedha dhe depozita, <i>tituj borxhi, kredi tregtare (të pagueshme), detyrime të tjera borxhi dhe alokimet në SDR.</i></p>

**DEPARTAMENTI I
STATISTIKAVE
FINANCIARE**

Selia Qendrore Nr. 1 e Bankës së
Shqipërisë, Sheshi "Skënderbej", Nr.1,

Tel: + 355 4 241 93 01
+ 355 4 241 93 02
+ 355 4 241 93 03
+ 355 4 241 94 09
+ 355 4 241 94 10
+ 355 4 241 94 11

Fax: + 355 4 241 94 08
Email: statistics@bankofalbania.org



Shënime:

Banka e Shqipërisë rezervon të drejtën për të bërë rishikimin e statistikave të publikuara. Në rastin e rishikimeve që sjellin ndryshime të treguesve, Banka e Shqipërisë njuh përdoruesit me faktorët e rishikimit dhe ndikimin përkatës.

Gjatë periudhës kanë ndodhur ndryshime në stokun e borxhit të jashtëm bruto si pasojë e rishikimeve të informacionit me të dhëna nga njësitë raportuese.

Për më shumë informacion referojuni të dhënave në linkun:

*[https://www.bankofalbania.org/Statistikat/Statistikat_e_Sektorit_te_Jashtem/
Borxhi_i_Jashtem_Bruto/Borxhi_i_Jashtem_Bruto.html](https://www.bankofalbania.org/Statistikat/Statistikat_e_Sektorit_te_Jashtem/Borxhi_i_Jashtem_Bruto/Borxhi_i_Jashtem_Bruto.html)*